

# ТОНГ ЮЛДУЗИ

Ўзбекистон болалари ва ўсмирларининг газетаси

Газета 1929 йил 1 августдан чиқа бошлаган

№ 39 (66268)  
2000 йил 28 сентябрь, пайшанба

Сотувда эркин нархда

## МАЪАРРИҚ ИЗ

Муаллим сўзининг асл маъноси нима? Қандай маъно касб этади? Нима учун шу қадар муқаддас? Араб тили грамматикасига биноан “Муаллим” сифатдошнинг аниқ даражаси - “илм берувчи” маъносини англатади. Шунингдек, маънодош мударрис ва мураббий сўзлари ҳам араб тилидан кирган бўлиб, “ўқитувчи”, “ўргатувчи” сўзларни билдиради. Менинг шарафли касб ўқитувчиликни танлаганимдан мақсадим ҳам шу бўлган. Олий ўқув юртида олган билимларимни, устозимдан ўрганган ўғитларимни, ота-онамдан олган тарбиямни фарзандларимизга етказиш. Билим билан бойитиш. Ўзим узоқ йиллар давомида ўқитувчилик қилиб, 1-мактабда раҳбар бўлиб ишладим. Фаолиятим давомида мактаб ҳаётига янгиликларни тадбиқ этиш, тажриба-синов майдонларни ташкил қилишда аҳамият беришга ҳаракат қилдим. Ўқувчиларда газета ва китобларга меҳр уйғотишни ўзимнинг вазифам деб билман. Шунингдек, туманимиздаги ҳар бир мактабда газеталар обунасини кузатиб бораман. Ўқувчиларимиз газета ўқиб, янгиликлардан бохабар бўлсинлар, сиёсат борасида бемалол баҳслаша олсинлар, дейман. Айниқса, “Тонг юлдузи” газетаси республика миқёсида болалар ва ўсмирларнинг ягона газетаси. Ундаги материаллар болаларни қизиқтира олади. Эркин фикрлашга ўргатади. Менинг фарзандларим ҳар бир сонини мунтазам ўқийдилар. Фурсатдан фойдаланиб, касбдошларимни ўз байрамлари билан чин дилдан қутлайман. Уларнинг шарафли касбларида омад тилаб, минглаб шогирдларнинг ҳақиқий йўлбошчиси бўлишларини истайман. Фарзандларимиз фидоий устозларидан ўрнак олиб, уларнинг табаррук изларидан эргашсинлар.

**Шавкат ҚОЗОҚОВ,**  
Андижон вилояти, Булоқ-  
боши тумани Халқ таълими  
бошқармаси бошлиғи

## УСТОЗЛАР БАЙРАМИ - БИЗНИНГ БАЙРАМИ



Yaqinda yana bir bayram - Ustozlar bayrami. Bu kunda mening ham quvonchim cheksiz. Chunki ustozlarimizning ozginagina quvonchlari, tabassumlari biz o'quvchilar uchun naqadar katta baxt ekanligini bilsangiz edi. Ustozlarimiz o'rgatgan o'g'itlar bizga doimo o'rnatilgan bo'ladi.

Sinfdozlarim Sardor, Aziza va

Xumoyunlar bilan yaxshi o'qishga harakat qilamiz. Maktabimizda biz uchun hamma sharoitlar yaratilgan. Haftada ikki marta “karate” to'garagi, ingliz tili, informatika darslariga qatnaymiz. Bizga odobnoma darsida o'qituvchimiz rivoyatlar, hikoyalar aytib beradilar.



Usbu bayram munosabati bilan men ham barcha ustozlarni va birinchi ustozim - Xilola Rahmatullaevani bayram bilan tabriklayman. Ustozimiz Xilola opa bizga saboq berishdan hech charchamasinlar, deb qolaman.

**Dilshod JABBOROV,**  
Toshkent shahri, Yunus-Obod  
tumanidagi 136-maktabning  
2-“B” sinf o'quvchisi.

## МАЪАРРИҚ ИЗ

Менинг биринчи ўқитувчим Мавжуда опа Исломова эдилар. Улар биз ўқувчилардан ўз билимларини аямай билим бердилар. Онани, Ватанни, дўстни севишга ўргатдилар.

Ўша мўъжазгина бошланғич синф хонамиз билан хайрлашганимизга ҳам тўрт йил бўлибди.

Мана шу тўрт йил ичида Мавжуда опадек меҳрибон устоз Гулчеҳра опа Шодиевадан кўп яхши нарсаларни ўрганаётимиз. Опамизни билим даргоҳимизда барча бирдек ҳурмат қилади. Чунки улар тиниб-тинчимас, заҳматқаш устозлардан биридилар.

Устозимизнинг биздан умидлари катта. Баъзида улар жилмайиб туриб «Сизларни ҳам мустақил ҳаётга кузатиб юборсам, кейин бемалол нафақага чиқардим», дейдилар.

Биз ўқувчилар устозимизни жуда кўп безовта қиламиз. Лекин ҳар сафар улар эринмай тушунтирадилар.

Фурсатдан фойдаланиб, барча ўқитувчиларимизни касб байрамлари билан табриклайман. Доимо яхши кайфиятда юришсин.

**Назира ЭРГАШЕВА,**  
Бухоро вилояти,  
Ғиждувон туманидаги  
8-умумий ўрта  
таълим мактабининг  
9-«Е» синф ўқувчиси.

**-Мавлуда опа, сиз Акмал Икромов тумани халқ таълими бошқармаси мудирининг муовини экансиз...**

**Туманда нечта мактаб бор?**

-37 та мактаб бор.

**-Айтинг-чи, ўқувчилар газеталарга, айнан бизнинг “Тонг юлдузи” газетамизга 2001 йил учун обуна бўдиларми?**

-Йўқ, ҳали обуна бўлганларича йўқ.

**-Ҳар бир мактабга тахминан нечтадан газета етиб боради?**

-Туманимизда 37 та мактаб бўлса, умумий обуна сони 370 та газета келади.

**-Демак, ҳар бир мактабга 10 тадан “Тонг юлдузи” келар экан-да? Ахир бу кам эмасми? Бошқа туман мактабларида ҳар 10 нафар ўқувчи 1 тадан газетага обуна бўлапти-ку?**

-...

**-Мавлуда опа, янги ўқув йилида туманингизда янги мактаблар очилди-ми?**

-Йўқ, бизда янги мактаб охириги 1989 йилда очилган.

**-Мактабларда ўқувчиларга форма кийиш жорий қилинганми?**

-Ҳар бир мактабнинг ўз формаси бор.

Мен телефон орқали Мавлуда Қаюмовнани саволлар билан вақтинчи банд қилаётганимни билиб, суҳбатни тўхтатдим. Аммо ҳаёлимда Мавлуда опа ҳам Республика болалар ва ўсмирлар газетасини ўқиб, улғайганлар-ку! Мамлакат сиёсати ва гоёсини бола онгига етказадиган ягона “Тонг юлдузи”га нега бефарқ эканлар-а? Наҳотки, ҳар бир бола ўз газетасини, ҳатто мажбуран бўлса-да, обуна бўлиб, ўқимаслиги керак?, деган фикр айланарди. Бу ҳақдаги саволимни болаларга сабоқ бераман, маънавиятини юксалтираман, деб юрган Акмал Икромов туманидаги устоз ва етакчиларга ҳам бергим келди. Аммо опанинг гаплари бу бўлса... жуда уятли иш бўлади-да, обуна масаласига пойтахт ўқувчилари бундай бефарқ ёндошишса...

Сиз нима деб ўйлайсиз? Қўнғироқларингизни кутамиз.

Нигора


МИРЗАМУҲАМЕДОВА гаплашди

## ЖАРАНГЛА, ҚЎНГИРОК

Бизнинг мактабимизда бу йилги биринчи қўнғироқ ўзгача жаранглади. Сабаби, бу йил мактабимиз ташкил топганига 30 йил бўлди. Байрамларга байрамлар уланган кунда мактабнинг собиқ ўқувчилари ҳам келдилар. Мактаб директори Ш. Хударганов жамоа хўжалиги бошқаруви раислари Янгибой Ҳақимов ва Равшан Ражабовларга сўз берар экан, «Бизнинг саховатли ўқувчиларимиз», деб таништирди. Нормат Матёқубов, Бахтиёр Рўзметов, Гулшод Собирова каби элнинг суюкли фарзандлари ҳам ўз мактабларидан ёрдамларини аямасликларини таъкидладилар.

30 маротаба жаранглайдиган қўнғироқни қабул комиссиясидан аъло даражада ўтган Муқаддас Одамова чалди. Қизчани мактабнинг собиқ аълочи ўқувчиси кўтариб олди. Бу қўнғироқ жаранги қулоқларимиз остида билимга, одамийлик илмини мукамал эгаллашга чорлаб ҳамон жаранглаб турибди.

**Раҳима ОТАЖОНОВА,**  
Хоразм вилояти, Шовот тумани  
41-мактабнинг бош етакчиси.



## ТАШНА ЭКИНЛАР, ХАРОБ КЎЧАЛАР

Биз Наманган вилояти, Поп тумани, Навбахор жамоа хўжалигида яшаймиз. Туман, вилоят раҳбарлари тингламаган оху ноламининг болаларимизнинг газетаси «Тонг юлдузи»га ёзишга қарор қилдик. Чунки, бу газетада айтилган гап эгасига етаётганидан хабардоримиз.

Зеро, юртбошимиз айтганларидек, «Биз нимага ҳаракат қилаётган бўлсак, қандай ютуқларга эришаётган бўлсак, бу ҳаммаси инсон бахт саодати, унинг тинчлиги, келажаги учундир». Лекин бизнинг раҳбарларга бу гаплар етиб келмаётгандек... Чунки фарзандларимизни баъзан эрталаб иссиқ чойсиз мактабга кузатамиз.

Чунки чойнак кўтариб маҳаллани, жамоа хўжалигини айланмайлик, барибир тоза ичимлик суви тополмаймиз. Устозлар ўз ўқувчиларининг соғлигини ўйлаб, ўзлари билан бирга қайнатилган сув олиб юришларини айтадилар. Чунки ўша ичимлик суви мактабнинг ўзида ҳам йўқ...

Навбахор бир пайтлар чўл кўйнида барпо этилган шаҳарча деб ном олган эди. Энди эса ҳатто томорқада дов-дарахт ўстиришининг ҳам иложи йўқ. Фарзандларимиз мевачеваларни ейиши учун томорқамиз олдига экилган мевали дарахтларга ичиш учун мўлжалланган қувурлардан сув олиб қуямиз. Жамоа-хўжалигимизга келсангиз, худди туз конларига келгандек бўласиз.

Табиий газ муаммоси ҳам 1977 йилдан буён ҳал қилинмаган...

**Бир гуруҳ ота-оналар ва фарзандлар номидан**  
**Ҳавоҳон УСМОНОВА.**  
Жаъми йигирма имзо.



## О'ЗБЕКЧА О'УНАУМАН

Men maktabimni juda yaxshi ko'raman. Chunki o'qish bilan birga muzikaga ham qatnayman-da. Pioninoda mumtoz kuylarni chalaman. Yana o'zbek milliy raqslarini o'rganyapman. Menga «Tanovar», «Munojot», «Lazgi» raqslari juda yoqadi. Oyim milliy liboslar ham tikib berganlar. Bayramlarda o'zbekcha raqslarni ijro etaman. Ta'tilda Rossiyadagi qarindoshimiznikida mehmonda bo'ldim. U yerni rosa aylandik. Zooparkka, istirohat bog'iga, teatrga va muzeyga bordik. O'rtoqlarim bilan qo'g'irchoqlarga ko'ylakchalar tikdik. O'qish boshlanganda ustozim Adjemetova Alimiy opamga ta'tilni qanday o'tkazganim haqida so'zlab berdim.

**Аnya PARVETOVA.** Andijon viloyati, Buloqboshi tumani 12- maktabning 2- «А» sinf o'quvchisi.

## МУСИЧА ТИРИК ҚОЛДИ

Бир куни ҳовлида онамининг уй юмушларига ёрдамлашаётган эдим. Қаердандир мушугим оғзида мусичани ушлаб олиб келди. Мусича кўзларини пириллатиб турарди. Айвонда ўтирган онам уни кўрдилару мусичани мушукнинг оғзидан тезроқ олишимни айтдилар. Мен ҳам шошиб қолиб мушукни ушладим ва эҳтиёткорлик билан мусичани қўлимга олдим. Шу заҳоти мусича учиб кетди. Уни кузатиб турдим. Мусича кўшнимизнинг томига кўниб, роса кукулади. Назаримда менга қараб «раҳмат» деяётгандек эди. Ўз ишимдан жуда хурсанд бўлдим.

Ахир биз табиатни, унинг қушларини авайлаб-асрашимиз керак-ку! Шундай эмасми, азиз тенгдошлар?

**Мунаввар СУЮНОВА,**  
Сирдарё вилояти, Меҳнатобод туманидаги Беруний номли 7- мактабнинг 7- «Б» синф ўқувчиси.

## ТИЛ БИЛГАН ДИЛ БИЛАДИ

Тошкентда яшайдиган амаким меҳмон бошлаб келдилар. Меҳмонлар тўрт нафар немис кишиси эди.

Амаким Германияга борганларида улар билан танишиб қолган эканлар. Ўз юртлари ҳақида тўлиб-тошиб гапириб берган эканлар. Меҳмонлар Ўзбекистонни кўришга жуда қизиқиб қолишибди.

Германияликлар Тошкентни, Бухорони мазза қилиб тамоша қилишибди. Ҳар бир ёдгорлик уларда катта таассурот қолдирибди. Бу гапларни бизга амаким таржима қилиб турдилар.

Бизнинг мактабда инглиз тили ўргатилади. Немис тилини билмаганимдан қаттиқ афсусландим. Акаларим унча-мунча меҳмонларнинг гапларига тушунишар, мен эса амакимнинг тезроқ таржима қилишларини сабрсизлик билан кутар эдим. Бу нарса менга қаттиқ таъсир қилди. Ва шу кундан эътиборан тил ўрганишга тушдим. Бир нечта тилни билиш кишига фақат фойда экан. Айтишадикун тил билган дил билади, деб.

**Назира ЭРГАШЕВА,**  
Бухоро вилояти, Гиждувон туманидаги 8-мактабнинг 9- «Е» синф ўқувчиси.

## СЎНГАН ЮЛДУЗ

Мен Самарқанд вилояти, Оқдарё туманидаги Собир Раҳимов номли 28- мактабда ўқитувчи бўлиб ишлайман. Бу йилги ўқув йили якунланиши олдидан мен ўқитаётган 4-синфдаги аълочи, жамоатчи Юлдуз исмли қизча тўсатдан бетоб бўлиб қолди. Аниқлашларича у жигар хасталиги билан оғрибди. Бир ҳафта тўшакда ётиб, вафот этди.

Бундан бутун мактаб ларзага келди. Ахир Юлдузни ўқитувчию ўқувчилар бирдек яхши кўрар эди. У ўзининг тиришқоқлиги, билимга чанқоқлиги билан шундай меҳрга лойиқ бўлганди.

Юлдуз адабиётга, шеърятга жуда қизиқарди. У ёзган бир шеърнинг мисралари ҳамон ёдимда.

**Менинг синглим Барчиной,**  
**Хўп инжигу, эркатой.**  
**У дейди, гоҳ бу дейди,**  
**Менга эртак айт, дейди...**

**Ф. БОЛТАЕВА,**  
ўқитувчи.



**Сухбатдошимиз “Одобнома” китоб-дарслигининг муаллифи, профессор Ойшахон Тўраева. Бу дилкаш, ширинсўз устоз минглаб шогирдлар тарбиялаб, ўнлаб китоблар ёзиб, устоз деган номни юксакка кўтардилар. Ҳозирги кунда 5 ўғил, 5 келин ва набиралар ардоғида сизлар учун қўлланмалар яратиб, кўп ишларни амалга ошириб келмоқдалар. Қуйида уларнинг жавоблари билан танишасиз.**


1. Менимча, устозларни барча ўқувчилар яхши эслашса керак. Устоз бизга билим беради, ҳаётни танитади. Менинг устозларим Хўжааҳмад Асқархўжаев, Шароф ака Ўлмасбоев, Платон Иванович, Имомхон ака Хусанхўжаев, Малика опа Раҳмоновалар жуда ажойиб, камтарин ва олижаноб инсонлардир. Билимлари ниҳоятда ўткир бўлиб, ўқувчиларига маҳорат билан сабоқ беришарди. Устозларим дарс бериш усулларини мукаммал билганликлари туфайли дарслар ҳам ўзгача ўтиларди. Улар ўзлари устидарида тинимсиз иш олиб бориб, янги қўлланмалардан кўпроқ фойдаланишарди.

2. Устозлардаги барча яхши фазилятларни қадрлайман. Айниқса, ўз устида ишловчи устозларни кўрганимда, уларга ҳавас билан боқаман.

3. Мен Алишер Навоийни тасаввуримдаги устоз деб ўйлайман. Устоз идеал бўлиши керак. Устозлар атрофда содир бўлаётган воқеалардан, янгиликлардан доим хабардор бўлиб, бу ҳақда ўз ўқувчиларини ҳам хабардор қилиб боришлари даркор. Мен ана шундай устозларни шогирдлар кучоғида тасаввур қиламан.

4. Устозларга табригим - шахс тарбиялашда ишлаб толмасинлар. Уларга ижодларида улкан куч-ғайрат тилайман.

Азиз устозлар, омон бўлинг, шогирдлар бахтига ҳамиша соғ бўлинг!



**Азиз болажонлар! Минглаб устозларнинг сеvimли газетаси “Маърифат”нинг бош муҳаррири Ҳалим ака Саидов ҳам сухбатимизга қўшилдилар. Улар ёш бўлсалар-да, катта ишда бош-қош бўлиб, “Меҳнат Шухрати” ордени соҳиби бўлганлар.**

1. Албатта эслайман. Самарқанд вилояти, Самарқанд (Тойлоқ) туманидаги 81-мактабда бошланғич таълимни олганман. Бошланғич синфда ўқитган устозим Кимё опа Халитова меҳрибон, ўз ўрнида талабчан ва қаттиққўл, гўзал аёл эдилар. Кўпчилик учун ибратли фазилятлари кўп эди. Бизга бўлган меҳрлари эсда қолган. Нимагадир шу устозимдан ҳамон уяла-

ман. 74-мактабдаги ўқитувчиларим Р. Рустамов, Б. Раҳмонов, С. Кўзибоева, Ш. Исмаатов, Ҳ. Абдураҳмонов, Х. Темиров, И. Меликов, Т. Мавлонов, Д. Раҳмонова, Р. Сагаторов, М. Мадаминаова, О. Саидовларни ҳурмат билан эслайман.

2. Аввало, устозлардаги самимийликни қадрлайман. Болаларни яхши кўрмай, меҳрли бўлмай ўқитувчи бўлиш қийин. Изланувчан, ўз устида ишлайдиган, фа-

нининг фидойиси бўлган устозлар таҳсинга лойиқ.

3. Самимий, билимдон, меҳрли устоз - тасаввуримдагина эмас, ҳаётда, мактабда ҳам кўп бўлишини тилайман.

4. Барча устозларни қутлайман. Дунёдаги энг яхши тилакларни тилайман. Болалардек пок, беғубор кўнглингиз ҳеч қачон Сизларни тарк этмасин, оппоқ кўнглингизга гард қўнмасин, дегим келади. Ҳаётда устозларим жуда кўп, шулар қаторида ўзим таҳсил олган ЎЗМУ журналистика факультетидаги барча устозларимни ҳам табриклайман.

## СИЗГА ТАЪВИМ, АЗИЗ МУАЛЛИМ!

**Қадрли дўстларим! Ҳаётингизда ота-онангиз каби ардоқли, меҳрибон, ширинсўз бир зот борки, Сиз ундан доим қарздорсиз. У ҳақда асрлар давомида ашъорлар битилди - ниҳоясига етмади, таърифи тилларда дoston бўлди - ҳали адо бўлмади, қуёшга, ойга, нурга ўхшатдик - аммо ҳануз ташбеҳ излаймиз. Ҳа, тўғри топдингиз, бу - азиз муаллимнингиз, мураббийингиз, Сиз учун ҳаёт йўлингизни машъалдек ёритувчи, зиё улашиб чарчамагучи ўқитувчингиз. 1-октябрь устозларингиз байрами, Сиз уларга гул тутинг, токи улар чехраси гулдек очилсин, ширин сўз ила табрик битинг, токи кўнгли тоғдек кўтарилсин, эзгу тилак тиланг, токи тилагингиз уларга қанот бағишласин.**

**Байрам арафасида қуйидаги саволлар ила катталарга мурожаат этдик.**

1. Мактабдаги устозларингизни эслайсизми?
2. Устозлардаги қайси фазилятларни қадрлайсиз?
3. Сизнинг тасаввурингиздаги устоз қандай?
4. Уларга табригингиз.

**Катталар қаторида кичикларга ҳам қулоқ тутайлик-чи! Севара Исоқжонова - Тошкент Давлат Шарқшунослик институти қошидаги академ лицей 2-курс талабаси ҳам устозлари ҳақида тўлқинланиб сўзладилар.**

1. Мактабни ҳаётимдаги энг эзгу хотира сифатида эслайман. Қалбидаги бор яхши ниятлари ила дарс берган устозларим С. Маҳкамов, М. Валиева, Д. Пўлатоваларни ҳеч қачон унутмайман. Шаҳримиздаги нуфузли академ лицейга ҳеч бир илтимоссиз ўз кучим билан кириб ўқишимда устозларимнинг ҳиссаси жуда катта.

2. Устозлардаги меҳрибонликни қадрлайман. Кўп вақтим лицейда ўтади. Ш. Юсупова, У. Абдуқаҳорова сингари меҳрибон устозлар кўп бўлса.

Устоз меҳр ва очиқ чехра би-



лан дарс ўтса, мен учун ундан яхши муаллим йўқ дунёда, агар жаҳлдор бўлса, гапи қулоғимга ҳам кирмайди.

3. Тасаввуримдаги устоз - мактабдаги синф раҳбарим. Уларнинг меҳрибонликлари, ҳар кун эрталаб очиқ чехра билан кутиб олганлари, вақтида урушиб, вақтида эркалаб, биз учун елиб-югурганлари кўз олдимдан

кетмайди. Устозимнинг танбехлари бизга катта фойда келтиришини энди тушундим.

4. Устозларимиз ҳамиша ўқувчилар ва халқ назарида, иззат-эҳтиромда бўлишларини тилайман. Бахтимизга соғ-омон бўлсинлар, сиҳат-саломатлик, бахт уларга ёр бўлсин.

заминни яна ҳам бой, кучли ва қудратли ҳолатда қабул қилиб олишлари учун фарзанд-

ка, жиноятчиликка қарши олиб борилаётган шафқатсиз курашни аввалам бор ўзимизнинг порлоқ кела-

## ЁШЛАРГА БИЛДИРИЛГАН ИШОНЧ

ларимизга фаровон муҳит яратиб беришимиз бизнинг бурчимиздир. Ва асосий мақсадимиз ривожланган мамлакатлар қаторига чиқиб олиш. Жисмоний, маънавий, моддий жиҳатдан соғлом авлодсиз бунга эришиб бўлмайди. Шунинг учун Ўзбекистонда гиёҳвандлик-

жагимиз учун кураш деб биламан... «Соғлом деганда биз фақатгина жисман бақувват фарзандларимизни эмас, балки маънавий бой авлодни ҳам кўзда тутганмиз. Чунки ҳар томонлама соғлом авлодга эга бўлган халқни ҳеч қачон енгиб бўлмайди». И. Каримов.

**Яна бир шогирдлар ардоғидаги муаллима Юнус-Обод туманидаги 87-мактабнинг жонкуяр, фидойи, талабчан мураббияси, ўз ишнинг моҳир устаси, “Халқ таълими фидойиси” унвони соҳибаси Муаттар Орифжоновадир.**

Қани, уларнинг жавобларини ўқиб кўринг-чи.

1. Мактабдаги устозларимни жудаям аниқ эслай оламан. Биринчи бор қўлимга қалам тутган, ҳарф танитган устозларимни эсламай бўладими? Бурхон ака Қаландаров, Фотима опа, Холида опа, Зоҳир ака... Буларни мен мактабдаги азиз инсонлар қаторида хурмат қиламан ва ҳар доим ёдда тутаман.

2. Устозлардаги талабчанликни, қатъийликни, камтаринликни, ўқувчиларга бўлган меҳрни ва яқинликни қадрлайман. Шу фазилятларнинг барчасини ўзимда мужассамлаштиришга ҳаракат қиламан.

3. Тасаввуримдаги устоз билимдон, қатъий, камтар, ўз устида тинимсиз изланувчи, фидойи устоздир. Устоз қандай бўлишидан қатъий назар, у аввало инсон бўлиши керак.


4. Байрам арафасида барча ҳамкасбларимга соғлик, омонлик, тинч-осуда ҳаёт ва улкан бахт тилайман. Шогирдлари бахтига доимо соғ бўлишсин.

**Ана, устозлар ҳақида дил сўзларини ўқидингиз. Биз “Тонг юлдузи” ижодий жамоаси ҳам барча-барча устозларни касб байрамлари ила қутлаймиз. Уларга машаққатли ишларида сабр-тоқат, саломатлик тилаймиз. Шовр таърифлаганидек, “олтин узукка пақш, Бедилга навобахш, лутфлари шифобахш” Сиз устозлар - илм сарбонлари доим ардоқда, иззатда бўлишларингизни истаб қоламиз.**

**Гулноз БАҲОДИР қизи**

Англаган бўлсаларингиз, юртимиз раҳбари ёшларга жуда катта ишонч билдирган. Биз ёшларга билдирилган бундай ишончни оқлашимиз учун барчамиз интиломимиз керак.

**Шарофиддин РИСКҲУЛОВ, Тош ДШИ талабаси.**



Бугунги кунда давлатлар ва халқларнинг ўзаро муносабатлари ортиб бормоқда. Ҳозирги кунда ҳар бир ёшнинг мақсади чет давлатларда ишлаш, ўзга халқларнинг маданиятини, иқтисодини, ижтимоий сиёсий ҳаёти билан яқиндан танишишдир. Ёшларга бу имкониятлардан фойдаланиш учун йўллар очилган.

Юртбошимизнинг таъкидлашларича, XXI аср, шубҳасиз, халқаро муносабатларда бутун дунё қамраб оладиган аср бўлади. Фарзандларимиз, келажак авлодлар биздан шу ўлкани, шу муқаддас

# НИГОРА ҒАЖАТЛИК РАСМЛАР

Тахририятимизга ижодкор ўқувчилар тез-тез келиб туришади. Албатта улар ўзлари билан ижод намуналарини ҳам олиб келишади.

Нигора ойилари билан эшикдан кириб келганларида иш вақти эндигина бошланган эди. Уларни кўриб “Тонг юлдузи” мухлислари эканликларини пайқадим.



Салом-аликдан сўнг ойилари:

-Бу менинг қизим Нигора. Газетангиз “Тонг юлдузи”ни севиб ўқийди. Шунинг учун газета иш фаолиятини яқиндан таништириш учун олиб келдим. Биз газетга доимий обуна бўламиз.

Қизим Нигора бўш вақтларида мана бундай расмлар чизиб туради,- деб қўлларидаги бир даста қоғозларни столга қўйдилар. Бирин-кетин расмларни кузата бошладим. Расмлар рангли бўёқларда жуда чиройли чизилган бўлиб, бир-бирига ўхшамасди. Уларни кўриб очиги қойил қолдим. Қарасам, Нигора бир чеккада уялибгина турибдилар.

-**Нигора, нечанчи синфда ўқийсиз?- беихтиёр шу саволни бердим.**

-Тошкент шаҳри, Юнусобод туманидаги 274-мактабнинг 7-синфида ўқийман.

-**Демак, ҳозир 13 ёшда экансизда! Неча ёшдан расм чиза бошлагансиз?**

-Кичкиналимдан, боғчага бориб жуда кўп расмлар чизардим. Уйга келиб расмларимни давом эттирдим. Биринчи қўлимга қалам тутган устозим - 499-боғча тарбиячиси Гуля Аҳмедовна бўлдилар. Мактабда эса расм ўқитувчимиз Санобар опамлардан тасвирий санъат сирларини ўрганиб келмоқдам.

-**Бундан ташқари тўғарақларга ҳам қатнашиб турасизми?**

-Ҳа, албатта, нақш тўғарагига қатнашаман. Устозим Комил акадан сабоқ оламан. Улар чизган нақшларни кўриб ўзим ҳам шундай чиройли нақшлар чизишга ҳаракат қиламан.

Энг яхши кўрганам табиат кўйида, тинч-осойишталикда расм чизиш. Далаларга яқин турганимиз учун табиат манзараларини кўп чизаман. Миниатюра, эртақ қаҳрамонларини ҳам чизиб, уларни ойим ва адамларга, опам, укам ва синглимга кўрсатаман.

-**Чизганларингиз оила аъзоларингизга ёқадими?**

-Буни ойижонимдан сўраб кўринг-чи...

-Тўғриси айтсам, Нигора чизган суратларни кўриб дилим яйрайди. Бу қизимнинг табиатга меҳри жудаям баланд. Катта бўлса буюк рассом бўлишини астойдил ниҳат қиламан. Ўзим мактабда кутубхоначи бўлиб ишлайман. Дарсдан бўшади дегунча, Нигора менинг хонамга кириб китоб ўқийди. Ўқиганларини тасаввур қилиб расм чиза бошлайди.

-Китоб ўқиб чизсам, негадир расмларим чиройли чиқади. Яқинда расм дар-

сида ўқитувчимиз Санобар опа уйга вазифа қилиб рамзий тамга чизиб келишимизни айтдилар. Чизган расмларимиз бир-бирига ўхшамаслигини таъкидладилар.

-**Қийналмадингизми?**

-Йўқ, бу суратни мен олдин бобомизнинг таваллуд кунларида чизган эдим. Кейинги дарсда ўқитувчимиз синфдошларим чизган расмларни кўриб чиқдилар. Яхши чиққан уч-тўртта суратни доскага қўйдилар. Синфдошларим уларни кўриб, менинг чизган рам-



зий тамгага 1-ўринни беришди. Мен жудаям хурсанд бўлиб кетдим.

-**Нигора, кўрик-танловларда қатнашиб турасизми?**

-Қатнашаман. Шу йили 1-июнь Халқаро болаларни ҳимоя қилиш кунини да ижодкор ёшларнинг кўрик-танлови бўлиб ўтди. Бу кўрик танловда мен каби расм чизишга қизиқадиган ўқувчилар қатнашишди. Ҳаммаёқ рангли расмларга тўлиб кетди. Кўриқдан сўнг барчага “Сен етим эмассан” бадий фильминини намойиш этишди. Кино тугагач, совғалар улашилди. Мен ҳам юмшоқ ўйинчоқ билан тақдирландим.

-**Орзуларингиз?**

-Орзуим - рассом бўлиш. Гузал аёллар суратларини чизиш.

-**Раҳмат, “Тонг юлдузи” мухлисларига тилақларингиз.**

- Доимо соғ бўлишсин.

Мен ҳам Нигорага ва газетамизнинг жонкуяри Юлдуз опага миннатдорчилигимни билдириб, суратларини тахририятдагиларга кўрсатдим. Бош муҳарриримиз уларни завқ билан томоша қилар-



канлар, «бу сафар газетамизни Нигора чизган суратлар билан безаймиз», дедилар. Очиги, бу таклифни кутмаган эдим. Беихтиёр мамлакатимизда жуда кўп ҳаваскор рассомлар бор, уларга ҳам мурожаат қилсам бўлмасмикан, деб ўйлаб қолдим. Фикримни айтсам, Умида опамиз жуда тўғри фикр, газета ўқувчиларники, шунинг учун ҳам газетани ўз ўқувчилари безашса соз бўларди, дедилар.


**Азиз болалар! Суратлар чизсангиз, устозларингиздан маслаҳат олиб, бизга юборинг. Мавзулар эркин. Хатларингизни кутамиз.**

ГУЛЮЗ опангиз.

## КИЧИК СПОРТ ФИРМАСИНИНГ ИСТИҚБОЛИ

Барчага маълумки, мамлакатимизда 2000дан зиёд мактаблар, кўплаб хунар билим юртлари мавжуд бўлиб, уларда ўқувчилар таълим олиш билан бирга спортнинг ҳар хил турлари, ўйинлари билан шуғулланибдилар. Айниқса, таътил кунлари билим даргоҳлари ҳувиллаб қолади. Ундаги спорт жиҳозлари ва анжомлари, ўқув хоналардаги дастгоҳлар ва меҳнат асбобларидан фойдаланилмайди. Шунинг учун ҳам мен ёзми жуда салмоқли ўтказдим. Менинг онам тумандаги 40-мактабда ишлайдилар. Мактабдан стол тенниси ва жиҳозларини маҳаллага олиб келиб, теннис ўйинини бошладим. Менинг мақсадим, аввало қишлоқ ёшларини спортга қизиқтириш, спортнинг оммавийлигини ошириш, ёшларнинг бўш вақтини тўғри ташкил этишга кўмаклашиш, ёш авлоднинг саломатлигига ҳисса қўшишдир.

**Тўлқинжон РАҲИМОВ,**  
Фарғона вилояти, Боғдод туманидаги иқтисодий гимназиянинг 7-синф ўқувчиси.



## СИГИР ХОНАДОН БАРАКАСИ

“Пул топишни эмас, сарфлашни ўрган”

Халқ мақоли

Қишлоқда яшовчи ўзбек хонадонларида чорва ҳайвонларни парваришлаш қадим-қадимдан удумга айланган. Бунинг асосий сабабларидан бири кўпчилик ўзбек оилалари серфарзанд бўлиб, уларни иш билан таъминлашда ҳам қўл келади. Ёшроқ болалар сигирга ўт юлса, қаттароқлари уни парвариш қилади. Бизнинг оилада иккита чорва сигир бор.

Шу сигирларни биз уйда укам билан парвариш қиламиз ва бу билан оилага иқтисодий кўмак бериб даромад келтирамиз. Сигирларни ўзимиз катта қилганмиз, яъни боласини боқиб, онасини сотиб юборганмиз. Шунинг учун сигирларни сотиб олишни ҳарajatга олмаймиз. Жониворларни йил давомида парваришлаб, ем сотиб олинади. Ҳашак эса хонадон томорқасидан олинади. Ҳар бир сигирга кунига 1 кг дан кунжара, бузоқларга эса 0.5 кг дан берилади. 1 йил давомида 1095 кг. кунжара кетади. Унинг нархи 4 сўм 20 тийин туради. Кунжара учун 1 йилга 4599 сўм ҳарajat қилинади. Сигирлардан биз кунига 4 литрдан сут оламиз. Сигирларнинг соғин ойи 7 ойни ташкил қилади. 1 литр сутни 100 сўмдан сотсам, 7 ойда 85200 сўм даромад қиламиз. Сутдан сариёғ, қаймоқ, қатиқ қилиб сотса ҳам бўлади. Уй ҳайвонларига мажбурий сугурга тўланади. Мен мактаб ўқувчиси бўлганим учун даромад солигидан озодман.

**Баҳодир АҲМАДАЛИЕВ,**  
шу гимназиянинг 9-синф ўқувчиси

Бирлашган Миллатлар Ташкилотининг Ўзбекистондаги ваколатхонасида шу йили 24-30 сентябрда бўладиган Теннис бўйича Йиллик Ёшлар Турнирига бағишланган пресс-конференция бўлиб ўтди. БМТнинг Ўзбекистондаги доимий вакили Павел Крал ва Ўзбекистон теннис Федерацияси раҳбари Игорь Шепелев матбуот ходимларининг саволларига жавоб бердилар.


- Жаноб Крал, айтингчи БМТга аъзо бўлган бошқа давлатларда ҳам шундай тадбирлар ўтказиладими?

- Менинг билишимча, бундай тадбирлар фақат Ўзбекистонда ўтказиляпти. Албатта бунга Ўзбекистонлик ёшларнинг халқаро ташкилотларга бўлган қизиқишлари ва жаҳон миқёсига кўтарилиш истагининг юқори эканлигидир. Шу йили май ойида бўлиб ўтган "БМТ БИЛАН ГОЛИБ БЎЛ" конкурси ҳам жуда кўп ўқувчи ёшларни ўзига жалб қилди. Голиб чиққан иштирокчилар қимматли совринларга эга бўлиб, биринчи ўринни эгаллаган Тимур Чебанов Швейцарияда бўлиб қайтди. Ушбу турнирдан бизнинг мақсадимиз, ёш спортчиларни қўллаб-қувватлаш ва келажакда яхши теннисчи бўлишига кўмаклашишдир.

- Жаноб Шепелев, Теннис Ёшлар турнири Тошкентда Ўзбекистон Миллий Банки спорт комплексида бўлиб ўтар экан. Республиканинг бошқа шаҳарларида ўтказилишининг имкони қандай?

- Албатта биз бундай спорт турнирларни Республиканинг бошқа вилоятларида ўтказишни режалаштирганмиз. Бироқ, ўзингизга маълумки, ушбу турнир иккинчи маротаба бўляпти. Ташки-

ЁШЛАР ТЕННИС ТУРНИРИГА МАЪРУМАТ



лотчилик масаласи ҳам муҳим ўрин тутди. Энди тажриба ва кўникмаларга эга бўлган ҳолда ишимизни мунтазам давом эттираемиз, деб ўйлайман.

- Жаноб Крал, турнирда фақат тошкентликлар иштирок этадими?

- Саволингиз ўринли. Чунки ўтган йилги Теннис турнирида фақат тошкентликлар қатнашган эди. Бу йили вилоятлардан келган иштирокчиларимиз ҳам талайгина. Турнир мавқеи эса халқаро турнирлар мавқеидан кам эмас.

- Иштирокчилар ҳақида маълумот берсангиз.

- Турнирда 96 нафар иштирокчи бўлиб, улар асосан 14-16 ёшли ўсмирлар бўлиб, қизлар ва

ўғил болалар гуруҳлари мавжуд.

- Жаноб Крал, голибларни аниқлашда қандай усул қўлланилади?

- Ҳамма иштирокчи очколар рейтинг буйича баҳоланади. Энг юқори балл тўплаган ва биринчиликни қўлга киритган иштирокчимизга компьютер, иккинчи ўрин соҳибига видео магнитофон, учинчи ўринга аудиомангнитофон соврин тариқасида ажратилган. Бошқа қатнашчиларга қимматбаҳо совғалар ҳадя этилади.

- Турнирда ҳомийлик қилаётган ташкилотлар ҳақида тўхталсангиз.

- Йиллик Ёшлар Турнирига "НЕК", "Моторола", "Ўзбекинвест", "Уздунробита", "Кока-Кола", Навоий тоғ-металлургия комбинати, Ўзбекистон Ташқи иқтисодий алоқалар Миллий банки, "Менатек" қўшма корхонаси, "Нестле", "Сайёҳ макон" сайёҳлик агентлиги ҳомийлик қилмоқдалар.

- Жаноб Крал, турнирда қатнашмаётган, лекин қатнашишни хоҳловчиларга нима деб маслаҳат берасиз?

- Албатта биз қўлимиздан келганча ёрдам беремиз. Ҳатто истисно равишда шундай турнирларга кўшишимиз ҳам мумкин. Бироқ спортда куч-ғайрат, ирода, матонат талаб этилади. Агар голиб келсалар, катта теннисга киришларига кўмаклашамиз.

- Ўзбекистонлик ўсмирлар ва болаларга кўрсатаётган ёрдамнингиз учун Сизга ҳам ташаккур.

Муҳаррама ПИРМАТОВА суҳбатлашди.

## РУМИН ОГИР АТЛЕТЛАРИ УЧУН БАХТСИЗ КУН


Руминиялик оғир атлетчилар учун бахтсиз бўлган Сиднейни қуйидагича изоҳлаш мумкин. Оғир атлетика бўйича Руминия терма жамоаси Сиднейдаги олимпиада ўйинларини тарк этди. Бунга сабаб, учта румин оғир атлетчиларининг наркотик моддалар ва допингларга қарши ўтказилган тиббий текширишдан ўта олмаганлигидир. Халқаро Олимпия Кўмитаси ва оғир атлетика бўйича Халқаро Федерация дарҳол румин оғир атлетчиларини олимпиададан четлатилсин, деган қарор чиқарди.

Федерация қонун-қоидаларига кўра, барча спорт турлари бўйича қатнашаётган ва қайси миллий терма жамоа таркибидан бўлмасин, агар терма жамоанинг камида учта аъзоси олимпиадада таъқиқланган наркотик моддалар ва допингларни қабул қилса, бир йил ичида бўлиб ўтадиган барча мусобақалардан бутун миллий терма жамоа қатнашишдан маҳрум бўлади.

## СИДНЕЙДАН ДАРАКЛАР

### МЕЗБОН ТОМОНИДАН ЯНГИ ЖАҲОН РЕКОРДИ

Австралиялик сузувчи Ян Торп сузиш бўйича ақл бовар қилмайдиган янги жаҳон рекордини ўрнатди. Рекорд ўрнатишдан бир кун аввал у 400 метрга сузиш бўйича голибликни қўлга киритиб, иккита олтин медалнинг соҳиб бўлган эди. Эртасига Ян Торп 200 метрга сузиш бўйича янги жаҳон рекордини ўрнатди. Унинг рекорд ўрнатиш учун сузишга кетган вақти 1 минута 46 секунддир.



Шоҳруҳ КАРИМБЕКОВ тайёрлади.

## ДИК ПАУНД - "ХОҚ"НИНГ ВАҚТИНЧАЛИК ПРЕЗИДЕНТИ ЭТИБ САЙЛАНДИ

Халқаро Олимпия Кўмитасининг ҳозирги Президенти Хуан Антонио Самаранчининг рафиқаси вафот этганлиги муносабати билан у ўз лавозимини вақтинчалик ўзининг биринчи ўринбосари Дик Паундга топширди. Ўзи эса, марҳума рафиқаси олдида, яъни кўмиш маросимида жўнаб кетди. Рафиқаси Самаранчининг она шаҳри Барселонага дафн этилади. Хуан Антонио Самаранч 20 йилдан бери Халқаро Олимпия Кўмитасига президентлик қилиб келмоқда. 2001 йилнинг ёзида унинг раҳбарлик муддати тугаб, янги Президент сайланади.

## ДЕВОРИЙ ГАЗЕТАНИНГ ҚУВРАТИ

Тошкент чинни буюмлари корхонасида ишлаб юрган кезларим эди. Корхона раҳбарининг котиби, корхона радио карнайи орқали менинг исм-фамилиямни такрор ва такрор айтиб, раҳбар хонасига чақиртирди. Бу орада таянч бошлиғи Мунаввар опа Қодирова ёнимга келиб:

- Тинчликми, нега сени бошлиқ йўқлабдилар? - деди. Ўзим ҳам ҳайронлигимни айтиб, нима қиларимни билмай турганимда, Мунаввар опа менга далда бергандек бўлиб: - «Сен ҳақингда ёмон гап бўлиши мумкин эмас, ҳозир бориб келгинда, кейин хонамга кириб, нималигини айтурсан, - деди. Минг хаёл билан раҳбар қабулхонасига борсам, беш-олти киши у кишининг олдида киришга навбатда турган экан, мени котиба кўриши билан саломлашиб, навбатсиз раҳбар хонасига олиб кириб: - Абдурауф ака, айтган ишчингиз Сайдуллаев келди! - деди-да, ўзи ташқарига чиқиб кетди.

Корхона раҳбари мен билан самимий сўрашиб, хонасидаги элик ёшлар атрофидаги башанг кийинган кишига қараб: - Расул Раҳмонович, сиз қўлаган шоир укамиз мана шу йигит бўлади, - деди. У киши билан ҳам қўл беришиб кўришдим.

Ишчи кийимда бўлганим учунми ёки бундай муҳташам хонага биринчи бор кирганим учунми, улар олдида ўзимни ноқулай сезгандек бўлиб турган пайтимда раҳбаримиз сўз бошлади:

- Расул Раҳмонович, сиз ўқиган бояги «Чиннисоз» деворий газетасидаги шеърлардан тортиб, Афанди латифалари-ю, қатра хандаларни шу ишчимизнинг ўзи ёзган. Деворий газетамиз бир ойда икки маротаба чиқиб туради, - деди.

Расул ака бир оз уйчан туриб: - «Укам, сизда тугма талант бор экан, хоҳлаган бирон институтга ўқишга кириб, бу талантдан унумли фойдаланиш керак, деворий газетада ўқиганларимни у ер-бу ерга қалам текказиб республикамиздаги газета-журналларга бемалол чиқарса бўлади», - деди.

Мен танишларим бўлмагани учун қаторасига икки йил институтга бориб, қира олганимни айтиб, келаси йили ҳам бир ўзимни синаб кўришимни айтдим.

Самимий суҳбатдан сўнг менга жавоб беришди. Иш жойимга бормасимданоқ йўлда Мунаввар опа менга пешвоз чиқиб: - «Ҳа ўғлим,

Устозларга ташаккур

тинчликми, хурсанд кўринасан», деганларидан сўнг, бўлиб ўтган воқеани айтиб берган эдим. Мунаввар опа елкамга қоқиб: - ўша сени йўқлаган Расул Раҳмонович катта журналист. Сен яшайдиган маҳаллага кўшни бўлган «Агаобод» маҳалласининг раиси, у одам ҳозирги кунда Ўзбекистон телерадио Давлат кўмитасида раис муовини бўлиб ишлайдилар.

Ўшанда мен Расул Раҳмонов билан танишган эдим. Хуллас амал тақал қилиб Низомий номидаги Тошкент педагогика институтига ўқишга кирган йилим. Расул Раҳмонов билан маҳалламиздаги бир тўйда учрашиб қолдим. Ўшанда Расул акага институтга кирганимни айтган эдим, у киши қувониб: - «Эй укам, чин дилдан табриклайман», энди чинни заводини йиғиштириб, келаси ҳафтага мени олдимга боринг. Сиздек ёшларни ўрни «Табассум» радиожурналида деб, телефонларини ёзиб бердилар. Шундан сўнг заводдан бўшаб, Республика радиосининг «Табассум» радиожурналида муҳаррир бўлиб ишлаб бошладим.

Расул Раҳмоновни ўзига жалб этган «Чиннисоз» деворий газетаси мени Республика радиосига боришимга йўл очиб берган эди.

Сандмурод САИДАҲМАД.

**“Саҳоватли банди мўминларим-га менинг ҳам саҳоватим чексиздир...”**

Чиндан ҳам Оллоҳнинг саҳоватли инсонларга битмас-туганмас марҳамати ҳақида чексиз мисоллар келтириш мумкин.

Паркент туманининг Номданак қишлоғида истиқомат қиладиган Салим хожи отани кўплар қатори мен ҳам яхши била

ман. Аслида инсон бугун умр камчиликка йўл қўймаслиги, хато қилмаслиги мумкин эмас. Ростини айтиш керак, ҳамма ҳам ўзини қўлга олиб, яхшилик билан ҳар йили топган даромадидан маълум қисмини камбағалларга, сағирларга, қаровсиз кишиларга доимий равишда ёрдам кўрсатишни уддасидан чиқолмайди.

Салим ота эса бунинг уддасидан чиққан. У зот бутун умр деҳқончилик билан шуғулланиб келди. Шу кунларда 90 ёшини қаршилаган отахон ерга илк бор кетмон уриб, илк бор ўз кучи билан даромат қилган кундан эътиборан олинган даромаддан закот беришни унутмаганлар. Ва бу эзгу ишни ҳозиргача, яъни фарзандлари орқали амалга ошириб келадилар.

Салим отанинг ўғиллари ҳам ўзларига ўхшаб деҳқончилик билан шуғулланишади ва оталарини ишини давом эттирадилар.

Яқинда Паркент туманига қарашли Номданак қишлоғига йўлим тушиб, гаройиб анжуманнинг устидан чиқиб қолдим.

Хожиев Эргаш деган инсон болалар учун мактаб куриб берибди. Мен мак-

табнинг очилиш маросимига дуч келган эканман. Хожиев Эргашни илгаридан танийман. Ёшлари олти мишга етган, камсуқим, кам гап бир одам. У ўғли Хожиев Мавлон билан 1995 йили ширкат хўжалигининг мол фермасини сотиб олган экан. Ўша кезлар 514 қора

Камбағалларга, сағирларга, қаровсиз кишиларга қора мол, майда мол, кийим-кечак, озиқ-овқат ажра-

тиб, уйларига олиб бориб берар эканлар. Ўзимча тасав-

вур ҳам қилиб келаман. Мен Ҳас-ти Хизр фариштасини Салим ота қиёфасида кўраман. Бу улуг зотнинг бирор вақт, бирор кишига бир оғиз қаттиқ гапирганини ҳеч ким билмайди, ҳеч ким кўрмаган. Каттадан кичикка бир хил муомалада бўладилар. Шунинг учун у зотнинг олдини кесиб ўтишга бирор инсон боласи журъат этолмайди.

Салим отанинг ўғиллари ҳам ўзларига ўхшаб деҳқончилик билан шуғулланишади ва оталарини ишини давом эттирадилар.

Яқинда Паркент туманига қарашли Номданак қишлоғига йўлим тушиб, гаройиб анжуманнинг устидан чиқиб қолдим.

Хожиев Эргаш деган инсон болалар учун мактаб куриб берибди. Мен мак-

**Болаларга қайғурмоқ-келажакка қайғурмоқдир.**

табнинг очилиш маросимига дуч келган эканман. Хожиев Эргашни илгаридан танийман. Ёшлари олти мишга етган, камсуқим, кам гап бир одам. У ўғли Хожиев Мавлон билан 1995 йили ширкат хўжалигининг мол фермасини сотиб олган экан. Ўша кезлар 514 қора



Эргаш ХОЖИЕВ

мол бўлиб, ҳозир моллар сони 520га етибди. Ўша кезлар хўжалик ҳисобидан 275 тонна сут топширган, ҳозир эса бу рақам 345 тоннага етибди.

Бир йилда 30 тонна гўшт ҳам топширар экан. “Бахт” деб аталмиш бу фермер хўжалигининг 129 гектар ери мавжуд бўлиб, лавлагги, буғдой, беда экар эканлар.

“Бахт” фермер хўжалигида 70 та

ишчи ишлашади. Улар ҳар ойда 6 мингдан тортиб 12 минггача маош олишади. Ҳар чоракда эса қўшимча 40 фоиз даромад ҳам олишар эканлар. Қизилтой ва Номданак қишлоғидаги болалар боғчасига сут ва гўштни ярим баҳосида беришар экан.

Қишлоқнинг куйи қисмидаги ёш болалар асосий мактабга боролмай қиш кунлари қийналар экан. Бу масала кўпдан бери муаммо бўлиб келган, ширкат хўжалиги, туман қурилиш идоралари ҳам бу масалани ечолмаган экан. Хожиев Эргаш бу ишга шу йилнинг ёз кунлари киришибди ва икки ой ичида 120 ўринли мактабни қуриб, битириб топширибди. Мактаб ичида муаллимлар хонаси билан бирга ҳамшира учун ҳам алоҳида хона қурилибди.

Ўша кунни мен мана шу анжуман устидан чиқиб, қишлоқ халқнинг Хожиев Эргаш ва унинг фарзанди Хожиев Мавлонни олқишлаётганига гувоҳ бўдим.

Ҳа, болаларга кўрсатилган саҳоват масжидга кўрсатилган саҳоватдан ҳам минг бор улугдир...

Мен ҳам кўплар қаторида болаларга кўрсатган саҳовати учун Хожиев Эргаш биродаримизга муваффақиятлар тилаб қоламан. Унга ҳам Оллоҳнинг саҳовати чексиз бўлсин!

Ўқтам ҲАКИМАЛИ.



-Сухбатимизни мактабдан эмас, боғчадан бошламоқчи эдим. Чунки 6 ёшли бола мактабга, уйда ва боғ-

чадаги муҳитда ўз феъл атирига эга бир инсон сифатида келади.

Лингафон тақиб, инглиз тилини ўрганаётган кичкинтойларни кўрсам, боғча ёшига қайтгим келади. Бу ёшда эса мен ҳар кун эрталаб боғчага бормайман, деб хархаша қилардим.

-Тўғри айтдинг қизим, таълим тарбия боғчадан мустаҳкам бўлса, буёғи энгил кўчади. Барча боғчаларимизда яхши шароит яратишга ҳаракат қиляпмиз. “Қиётод” қишлоғидаги 7-болалар боғчасини эса намуна қилиб кўрсатса арзийди. Боғча жамоаси ҳатто боғча ҳудудидаги ярим гектар ердан ҳам унумли фойдаланишга ҳаракат қилади. Ўтган йил гул, мажнунтол кўчати етиштириб сотиб, 500 минг сўм даромад олишди. Боғча фитобари учун доривор гиёҳларни ҳам ўзлари етиштирадилар. Кичкинтойлар чет тилларини лингафон кабинетиде ўрганишади. Боғчага ҳаммаша ҳиммат қўлини чўзадиган тadbirkor Саъдулла Сафарбоев ҳозир жажжилар учун спорт зали қурапти.

-Ўша кичкинтойлар улғайиб мактабга келишади. Уларнинг орасида “мактабга бормайман” деб хархаша қиладиганлари топилмасмикан? ,Рости айтсам, баъзи ўқувчиларимизнинг дарси давомида вақтнинг ўтганини билмай қоламиз. Баъзиларида

эса... -Туманимиздаги 51-мактабнинг она тили ва адабиёти фани ўқитувчиси Кумушой Ражабова бор. У “Йил ўқитувчиси - 2000” кўрик танловида Қорақалпоғистонда голиб бўлди ва мамлакатимиз миқёсидаги беллашувларда 4-ўринни

олди. Кумушой опангнинг машгулотлари ҳали сен айтгандек номли ўтади. У болаларга шунчаки баён қилиб бериш билан чекланмайди, ўқувчиларнинг ўзини мустақил ўқиб ўрганишга мажбур қилади. Ана шу мустақил ўрганиш жараёнида кўплаб қизиқарли саволлар тугилади ва дарс баҳс-мунозарата айланади.

Бундай моҳир ўқитувчиларимиз кўп. Марям Ражаббоева, Адолат Бекимова, Ким Эвелина, Сайёра Имомова, Гуландом Сапарбоева, Гулчеҳра Сержоновна... Бундай ўқитувчиларнинг иш услублари ҳамкасбларига намуна бўляпти.

Туманимиздаги 70 та умумий таълим мактабида, 53 та мактабгача таълим муассасаларида 35640 ўқувчи ва 2750 тарбияланувчига 3406 ўқитувчи ва мураббийлар таълим-тарбия бермоқда.

Ўтган йил мактабларимизни таъмирлашга бюджетдан ажратилган маблағдан ташқари 6 миллион сўм таълим масканларининг ўз маблағидан, 2 миллион сўм ота-оналар ёрдами, 3,5 миллион сўм отали ташкилотлар ёрдами ҳам жалб этилди. Ота-

лик ташкилотлардан “Егар” ҳиссдорлик жамияти, “Гулшод” хусусий фирмаси, Беруний агроқурилиш бошқармасидаги раҳбар акаларингиз мактаб ва боғчаларидан оталиқ ёрдамини аямадилар.

-Иқтидорли болалар, спортга қизқувчи болалар ҳамма жойда ҳам кўп. Лекин голиблар Беруний туманида кўп эканлигининг сири нимада?

-Дарҳақиқат, ҳар бир болада қайсидир соҳага қизиқиш албатта бўлади. Ҳар жиҳатдан

билимдон вундеркинд болалар кам бўлса ҳам, математикадан унчалик яхши билмаса ҳам расм чишишга жуда қобилиятли ёки ашула айтишга мойил болалар жуда кўп. Ҳамма гап уларда кўринаётган ана шу қобилият куртакларини ривожлантириш учун шароит яратишда.

Ўтган йили тўрт ўқувчимиз - Шахло Рейимбоева, Азамат Раҳмонов, Муқаддас Жумабоева, Гулшод Матризаевлар иқтидорли ўқувчилар беллашувларида голиб бўлиб, мамлакат миқёсидаги мусобақаларда иштирок этдилар.

Фан олимпиадаларида ҳам кўплаб ўқувчиларимиз яхши натижаларга эришдилар.

Ўтган йил 66-мактабнинг “Юлдуз” командаси “Кувноқ стартлар” телевизион мусобақасида Ўзбекистон биринчилигини қўлга киритди. Бу йил эса 64-мактаб командаси Қорақалпоғистонда голиб бўлиб, мамлакат ми-



қёсида тенгдошлари билан беллашувларга йўлланма олди.

Ўша “Юлдуз” командасининг мусобақаларни ўтказиш учун беш марта Тошкент сафарига чиқишига тўғри келди. Шу сафарларни ташкил қилишда туман ҳокимлигининг, ҳомий ташкилотларнинг ёрдамига таяндик, албатта.

Қаердаки таълим ҳамманинг иши деб қаралса, мактабларда ўзларининг фарзандлари, келажакимиз таълим олаётгани чуқур масъулият билан тушунилса, ишлар юришаверади.

-Сухбатингиз учун раҳмат. Фақат таълим соҳасида эмас, ҳамма жойда болаларнинг билим олиши, спорт билан шуғулланиши учун жон куйдирадиган раҳбарлар, тadbirkorлар кўпайишига тилак билдириб қоламиз.

Беруний тумани халқ таълими бўлими мудури Энгель Ҳасанов билан “Тонг юлдузи”нинг жамоатчи мухбири Нафиса АБДУЛЛАЕВА суҳбатлашди.

## БИЗ ЭКШАРТАН СЕРИАЛ


Азиз болажонлар! Сиз телевидение орқали икки буюк ҳинд халқ достони - "Маҳобҳорат" ва "Рамайна"ни узоқ-узоқ вақтлар томоша қилгансиз-а? Шулардан "Рамайна" достони кетма-кет икки мартаба намойиш этилганлигидан ҳам хабарингиз бўлса ке-

рак. Уларда болалар тарбиясига нечоғлик аҳамият берилганига ўзингиз ҳам гувоҳ бўлгансиз; берилиб - мириқиб томоша қилгансиз. Эртанги куни бериладиган қисмини интизорлик билан кутгансиз, тўғри топдимми?

Ҳар иккала сериалда ҳам ҳамшиша долзарб саналувчи мавзу - она-Ва-

танга муҳаббат тараннум этилса-да, бу муқаддас туйғу илдизи бола тарбияси билан чамбарчас боғлиқлиги юксак дид ва ҳаяжон билан таъриф тавсиф этилади. Бугунги мулоқотимиз ана шу ҳар иккала сериални маҳорат билан ўзбек тилига ўтирган ёзувчи ва таржимон, Жаҳон тиллари Университети ўқитувчиси, Ўзбекистонда хизмат кўрсатган маданият ходими Амир ФАЙЗУЛЛОдир.

## Тарбия достонлари



Амир ФАЙЗУЛЛО

# МАҲОБҲОРАТ ВЕЖАКУ УЎИРВАНУ КАН "МАҲОБҲОРАТ"

-Амирхон ака, яқинда мамлакатимиздаги ҳинд маданият маркази раҳбари, профессор Қамар Раисдан табрик мактуби олибсиз. Шу мактуб билан танишсак бўладими?

-Об-бо, Собиржон-эй, жуда сезгирсиз-да! Марҳамат.

Табрик мактубини ўқийман: "Жаҳон адабиёти" журнали бўлим муҳаррири Амир Файзуллаевга.

Муҳтарам Амир Файзуллаев жаноблари! Ўзбекистон Республикаси Мустақиллигининг 9 йиллиги

## МАСЪУЛИЯТ ҲИССИ

шодиёнлари арафасида сизга мамлакатингиз Президентининг Фармонида биноан "Ўзбекистон Республикасида хизмат кўрсатган маданият ходими" фахрий унвони берилиши билан чин дилдан табриклайман. Биродар Ўзбек халқи равнақи йўлидаги ижодий фаолиятингизда янги зафарлар тилайман.

Камоли эҳтиром ила:

Профессор Қамар Раис.  
Ҳ.М.М. раҳбари.

-Амирхон ака, биз ҳам ушбу унвон билан сизни кўп сонли газетхонларимиз номидан муборакбод этамиз.

-Ташаккур. Менинг камтарона меҳнатимга юксак баҳо берганлари учун бошим осмонга етди. Лекин бундан масъулият ҳисси ортса орткини, камайгани йўқ. Мен бундан кейин ҳам

ҳинд ва ўзбек халқлари ўртасидаги адабий алоқаларни янада мустаҳкамлашга ўз улушимни қўшавераман.

"Маҳобҳорат"ни томоша қилган киши уни худди ўз она тилида ёзилганидек қабул қилади. Жумлалар, сўзлар сермаъно ва жой-жойида. Бу, албатта, сиздан жуда қаттиқ меҳнатни талаб қилган. Бу - намойиш жараёнида яққол сезилиб турди.

## ИГНА БИЛАН ҚАЗИЛГАН "ҚУРҲУҚ"

-Биласизми, укажон, таржима санъати ҳам игна билан қазилган қудуққа ўхшайди. Бу - биринчи томондан. Иккинчи томондан эса халқимиз олдидаги масъулият ҳамшиша фикру ёдимда турди. Агар шу масъулият бўлмаганида, шу ҳис голиб келмаганида, "Маҳобҳорат" теч бўлмаганда оддий, "бир кўриш-

га арзирли" фильм бўлиб қолар эди.

- Дейлик, сиз асарни таржима қилиб бўлдингиз. Чарчагансиз. Лекин, шунга қарамай, сизни "Ўзбектефильм" га чақиришади. Дубляж, яъни овоз бериш жараёнида иштирок этишингизни сўрашади. Сиз эса машаққатли жараёнга "йўқ" демай, уни яна қайта бошдан кечирасиз. Актёрлар билан

ёнма-ён ўтириб "ёнасиз". Кўнглингизга оғир ботмайдими бу?

-Қизиқсиз-а укам! Таржима ҳам, овоз бериш жараёни ҳам менга хузур бағишлайди! Гапимга ишонаверинг. Ахир ўша таржимага менинг кўз нурим, қалб кўрим, умримнинг энг гўзал лаҳзалари йўғрилган. Нега энди мен ўз боламдек бўлиб қолган таржимамнинг "тетапоя" сига кўз-қулоқ бўлмаслигим керак? Сериал намой-

иш этилгунга қадар жон ҳовучлаб, кечалари ухламасдан чиққанман: "Халқимизга манзур бўлармикан?" - деб... Яратганга шукроналар бўлсинким, халқимиз "Маҳобҳорат"ни мароқ билан кўрди. Сериал ёқди. Мен бундан жуда ҳам хурсандман.

-"Маҳобҳорат" ҳақида сўзлаб берсангиз.

## АДОЛАТ ЙЎЛИ

- Дастлабки "Маҳобҳорат" достонининг мазмуни куйидагича эди: Қадим Бҳорат (Ҳиндистон) шоҳи Бҳорат улкан бой салтанатни авлодларга ўзидан мерос қилиб қолдиради. У адолат билан тахт юргизиб, фуқароларнинг олқиш ва дуоларига сазовор бўлади, уларга ҳам адолат йўлидан боришни васият қилади. Ака-укалар ўзаро иноқ бўлсаларгина, мамлакатда осойишталик ва тўқин-сочинлик барқарор бўлиши мумкинлигини ўқтиради. Бунинг учун кўпроқ ўқиб, устозлар кўрсатган йўриқдан чиқмасликлари керак. Аммо боланинг кела-

жакда устози берган таълимини оқлаш учун фақат ўқиш кифоё қилармикан? "Маҳобҳорат"да ана шу кўндаланг кўйилган саволга жавоб изланади.

Панду ва Дхритроштр ўртасидаги тожу-тахт таллашиш кишини ҳушёрликка ундайди: Чунки бугунги кунда бизни безовта қилаётган жангарилар Пандунинг акаси Дхритроштрни эслатади. У туғма кўр эди. Лекин ўша хато йўлга кирганларнинг кўзи очик-ку! Лекин мен сиз билан укангиз - таниқли рассом, республика "Офарин-99" танлови совриндори Темура Саъдуллаев билан иккалангиз-

даги одамохунлик, камтарлик, билмдонлилик меңи қувонтиради. «Эҳ, қанийди, менинг ҳам шундай акаларим бўлса!» деб кўяман.

Шундоқ ҳам муносабатимиз ҳар қанақа ака-уканикидан камлилик ери йўқ! Сиз менга укамдек бўлиб қолгансиз, Собирбек! (Амирхон ака бегубор кулиб кўйдилар).

-Раҳмат, Амирхон ака! Болаларча соддалигим учун хафа бўлмайсиз... Майлими, энди болалик масканингиз - Галлаоролга қайтсак?..

-Об-бо сиз-ей! Сиз ҳам бола бўлгансиз-ку, демоқчисиз-да. (Кулги. Амирхон ака кайфиятлари яхшилигида яйраб кулиб, яйраб гапирадиган феъли тоза инсон!)

Ростини айтсам ҳаётини зарурият

бўлмаганида Галлаорол туманидаги 1-Қанғли қишлоғидан бир қадам ҳам силжимаган бўлардим. (Амирхон ака хўрсиниб кўйди). Лекин ҳозирги яшаш жойим ҳам Қанғли деб аталади.

-Наҳотки?

-И-я, бўлмасам-чи! Тошкент шаҳрида ана шундек даҳа бор. У Катта Қанғли ва Кичик Қанғли маҳаллаларидан иборат. Мен Катта Қанғлида тураман. Укам, эса Кичик Қанғлида.

-Қойил-эй! Ака-ука Катта Қанғли ва Кичик Қанғлини "бўлашиб" олибсизлар-да!

Ака-ука келишиб яшагани яхшида! (Самимий кулишамиз).

## БОЛА БЎЛСА ШҲХ БЎЛСИН...

-Амирхон ака, сиз ҳам болалигингизда шўх бўлганмисиз? Четдан қараган кишига "қўй оғзидан чўп олмаган" одамга ўхшайсиз.

-Шўх бўлганда қандоқ! Болалигимдаги бир шўхлигим, аниқроғи - шумлигим сира эсимдан чиқмайди. Бу воқеани "Оила ва жамият" га-

зетаси муҳбири Журьатга ҳам айтиб бергандим.

-Мен ҳам Журьат қилиб сўрадим-да!

-Менга шу феълингиз ёқади-да, укажон! Шундай қилиб, десангиз, қишлоғимиз Сангзор дарёси бўйида жойлашган бир куни ёши акамлар-

дек келадиган Мардон ака чумилгани сувга тушди. Қордек оппоқ, янги кўйлаги шундоққина ёнимда ётибди. Шумлигим кўзиб, уни кўлмак сувига ботириб-ботириб олдим. Кўйлак сарғиш ранг тусини олди. Сўнг бу ишимдан Мардон аканинг қотиб-қотиб кулишини ҳаёлимдан ўтказиб, жилмайиб кўйдим. Мардон ака кўйлакни кўрди... кўрди-ю... ранги ўзгарди. Худди кўйлакдаки! Фақат кўйлакники юзга,

юзники эса... кўйлакка ўтанди. Мардон ака: "Нима қилиб кўйдинг?" деб қорнимга бир тушириб қолса бўладими! Ўша куни "учрашув"и бор экан. Мен қаёқдан билай?

Шу-шу бировга уйлаб ҳазил қиладиган бўлганман, укагинам! -Бегубор ҳазил яхши-да. Бировнинг дилини оғритадиган қитмир ҳазил кимга ҳам ёқарди, дейсиз!

## ИСТЕЪРОДГА МУНОСИБ БАҲО

-Амирхон ака, мириқиб кўнглимизни "ёзиб" олдик. Энди "Маҳобҳорат"ни яна бир бор эслаб ўтсак. Айтишларича, бу сериални Ҳиндистон ҳукумати Ўзбекистонга совға тариқасида инъом этган экан. Шу ростми?

-Рости-рост! Менинг Ҳиндистонга бўлган эҳтиромим шу боис-

дан ҳам янада ортди. Фақат... Сериал намойишининг охирида бу мамлакат гамхўрлигига миннатдорчилик билдириб кўйиш керак эди. Шу берилмади-да!

-Мен яна бир "сир"ни би-ла-ман.

-Йўғ-эй! Қани, қанақа сир экан?

-Ҳиндистонда чоп этиладиган, Ҳиндистоннинг жаҳондаги барча элчихо-

на ва маданият марказларига тарқатиладиган "Ааж" (Бугун) ўн икки саҳифали ҳафтаномасида (21 июль, 2000 йил) "Мен Ҳиндистон учун кўп ишлар қилишни истайман" сарлавҳаси остида Сиз ҳақингизда халқаро тоифадаги ҳинд журналисти Алок Шекха мақоласи эълон қилинибди.

-Эй, қойил! Сиз ҳам халқаро тоифадаги "хабарчи" экансиз-ку! Кимдан эшитдингиз?

-Қамар Раис жанобларидан! Сиз

ҳақингизда мақола ёзмоқчи эканлигимни у кишига айтувдим. Қамар Раис жаноблари ушбу хабарни ҳам кўшиб кўйинг, дедилар. Бу - ҳинд халқининг ўзбек таржимони Амир Файзуллога эҳтироми, дедилар.

-Бўш келмайсиз! Раҳмат, дўстим!

-Сиз ҳам "бўш" келманг: сиздан янгидан-янги, мароқли таржималар кутиб қоламиз!

Собир ЖАББОР



Укам Одилбекнинг "қўли қийшиқроқ".

Йўқ, укам тўғрисида ёмон фикрга борманг. Бу қилиғини фақат менга, опасига қилади - эркаланиб.

Ойим ўқув йили бошида ҳар қайсимизга иккитадан ручка олиб бердилар. Орадан беш кун ўтмаёқ, бит-



*Нафиса Абдуллаева тўртқўллик тенгдошингиз - фаол мухбирларимиздан. Унинг мақолаларини газетамиз саҳифаларида кўп ўқигансиз. Бу сафар унинг "Қундалик дафтар" деб номланган дафтарчасидан кўчирилган жажжи ҳикояларини диққатингизга ҳавола этмоқдамиз.*

*Нафисанинг ҳикояларини ўқиб, иқтидор куртакларини сезиб бир қувонсак, ҳали катта ҳаёт бўсағасида турган ёш қизнинг ўз атрофида бўлаётган воқеаларга бефарқ эмаслигидан яна бир қувондик. Ўқи, изла, кашф эт, Нафиса! Эзгу ниятларинг йўлдошинг бўлсин!*

## СИРИ ОЧИЛДИ

тасини ўзини ручкасини йўқотиб қўйган синфдошига, биттасини жияним Ўткирга берибди. Буни сал кейинроқ билдим - битта ручкам йўқолиб қолганидан сўнг. Табиийки, менинг ручкам унинг папкасидан чиқди.

Реферат ёзиш учун атайлаб Боғибек оғамга олдирган оппоқ ксерокопия қоғозининг чўғи камайиб кетди. Укамни саволга тутдим. Бу қоғозлар укамнинг расм чизишга ҳавасманд ўртоғининг мулкига айланганини билиб олдим. Сиз учиздан расмларни бир кўринг, опа, деди Одилбек. Қоғозингизнинг ҳаммасини совға қилиб юборасиз.

Шунисиға ҳам шукур - укам ёлгон

гапирмайди.

Бугун эрталаб мактабга отланаётганимизда сумкамдаги калькулятор "тинг, тинг" деган овоз чиқарди. Шунақа одати бор - тугмачалари сумкамга тегиб қолиб, ишлаяпти шекилли. Қулайроқ ўрнатиб қўйиш учун сумкамни ковладим. Калькулятор йўқ! Бу орада "тинг, тинг" деган товуш яна такрорланди. Ялт этиб укамга қарадим. Ҳар бонгда унинг киприкларини ҳам пирпираб кетяпти.

- Калькуляторни чиқар! - дедим унга.

Укам сумкасидан калькуляторни олатуриб, қўшиб қўйди.

Партадошимники кеча бузилиб қолди. Математика дарсида фойдала-

ниб, кейин ўзим олиб бориб бермоқчи эдим...

Яна бесўроқ буюмимни олгани учун қулоғидан чўзиб қўйишим керак эди, аслида. Лекин бундай қилолмадим. Бувимлар доим уқтирадилар:

-Одамнинг катта бўлганида қандай бўлиши болалигидаёқ билинади.

Болалигида атрофдагиларга меҳрли бўлган одам улгайганда ҳам яхшилик қилишга интилаверади...

Одилбекка ўхшаган укангиз бўлса, сиз нима қилардингиз?



Азиза билан Саида синфдоши.

Иккаласи ҳар йили

инглиз тилидан олимпиадага қатнашадилар. Туманда Саида ўтади, Азиза қолади. Азиза хафа бўлади. Билими Саиданикидан яхшироқ эканини билади-да. Синфдошлари ҳам буни билишади. Лекин, барибир Саида ўтаверади. Чунки унинг онаси мактабда директор ўринбосари.

Хуллас, қаторасига уч йил шундай бўлди. Американинг "АКСЕЛС" ташкилоти ўтказган танловга ҳам икки синфдош бирга қатнашдилар. Агар бу танловнинг уч босқичидан ҳам ўтсанг, битирувчи синфни Америка мактабида ўқийсан.

Биринчи босқичдан Азиза қувониб чиқди.

Эшик олдида кутиб турган онасига қувониб деди: -Шундай осон саволлар экан-ки! Бир зумда ечдим. Ҳатто америкаликлардан биттаси, сен нега қараб ўтирибсан, тестни ечавер, деганида, мен аллақачон тугатганимни айтсам, ҳайрон бўлди!

Саиданинг онаси ҳам кутиб турган экан. "Уфф, қийин экан, биронтасини ечишга улгурмадим", - деди, Саида онасига лабини чўччайтириб.

Танловнинг биринчи босқичи натижалари рўйхати эртасига осиб қўйилди. Саида билан онаси ҳатто натижаларни билишга келишмабди. Тўғри қилишибди шекилли, чунки ўтганларнинг рўйхатида Саиданинг исми шарифи йўқ эди. Азиза эса рўйхатнинг бошида ўзининг фамилиясини кўрди.

Иккинчи босқичдан Азиза ҳам ўтолмади! Лекин барибир хурсанд бўлди.



Газетамизнинг бу сонини тенгдошингиз Нигора Розикова (4-саҳифа) чизган суратлар безади

Ҳамма бой бўлишни истаydi.

Ҳеч ким камбағал бўлишни истамайди. Дугонам Муҳайё келажagini шундай тасаввур қилади: тилла тақинчоқлари жуда кўп бўлади. Фақат "Версаче", "Кристиан Диор"нинг кийимларини кияди.

Синфдошимиз Даврон эса қора "Лимузин"да юришни хоҳлайди. Албатта, "Лимузин"нинг олдида ва орқасида тансоқчилар тушган машиналар кузатиб боради.

Синфдошлар куламит: тансоқчи кўриқлашга арзийдиган ажойиб бош соҳиби бўлиш керак. Ажабо, сенинг тансоқчиларинг нимани кўриқлашар экан? Даврон хафа бўлмайди, биз билан бирга қўшилиб кулади.

Мен ҳам бой бўлишни истаيمان.

Агар бой бўлсам, хусусий мактаб очаман. Хусусий мактабимга энг билимдон ўқитувчиларни ишга оламан. Болаларни ҳам танлов асосида оламан. Танловда боланинг ота-онаси ким эканлиги эътиборга олинмайди, ҳокимми, фаррошми, барибир. Ўқиш давомида барчага бирдек қаралади. Билим беришда, ўқувчиларнинг билимини баҳолашда ҳам кимнинг ота-онаси қаерда ишлаши ҳисобга олинмайди: ҳокимми, фаррошми, барибир.

Биз албатта бойиймиз.

Муҳайёда тақинчоқлар, Давронда "Лимузин" ва тансоқчилар, менда эса хусусий мактаб бўлади. Бойиш учун эса кўп меҳнат қилиш, кўп ўқиш керак бўлади. Ҳозирча эса ўқувчимиз. Ҳозирча мен алгебра дарсида ўтирибман. Шулар ҳақида хаёл сури-

Нафиса АБДУЛЛАЕВА,  
Тўртқўл туманидаги 30-мактаб ўқувчиси

Ўзбекистон  
болалари ва  
ўсмирларининг  
газетаси

Муассислар:  
ЎЗБЕКИСТОН  
РЕСПУБЛИКАСИ  
ДАВЛАТ МАТБУОТ  
ҚЎМИТАСИ,  
ЎЗБЕКИСТОН  
РЕСПУБЛИКАСИ ХАЛҚ  
ТАБЛИМИ  
ВАЗИРЛИГИ,  
«СОҒЛОМ АВЛОД  
УЧУН» ХАЙРИЯ  
ЖАМФАРМАСИ

БОШ МУҲАРРИР:

Умида АБДУАЗИМОВА

ТАҲРИР ҲАЙЪАТИ:

Шухрат АҲМЕДОВ,

Йўлдош САИДЖОНОВ,

Ойниса МУСУРМОНОВА,

Ҳотам АБДУРАИМОВ,

Мукаррама МУРОДОВА,

Суннатилла ҚЎЗИЕВ,

Эргашвой САРИҚОВ.

Ношир  
«Ijod dunyosi»  
нашриёт уйи

Ижарадаги Тошкент  
Матбаа комбинатида офсет  
усулида 39092 нухада  
босилди. Ҳажми 2 босма  
табоқ.

Буюртма - К-8287  
Газетани  
Муҳаббат МАҲСУДОВА  
саҳифалади.  
Навбатчи:  
Маъмура  
МАДРАҲИМОВА

Рўйхатдан ўтиш тартиби  
№ 000137  
Манзилимиз 700129,  
Тошкент шаҳри, Навоий  
кўчаси, 30-уй.

Тел: 144-62-34.